

皇清經解

皇

清

經

解

上廣雅表

博士臣揖言

魏江式表云魏初博士清河張揖著廣雅唐顏師古漢書敘例云張揖字稚讓清河人

魏太和中

臣聞省在周公續述唐虞宗翼文武剋定四海勤相

成王踐阼理政

惟各本譌作祚惟影宋本不譌

日吳不食坐而待旦德化宣流

越裳侏貢嘉禾貫桑六年制禮以導天下著爾雅一篇以釋其

意義

各本脫意字邢昺爾雅疏引此已然藝文類聚則引作釋其意義案神仙傳云噴墨皆成文字滿紙各有意義又云

小小作文皆有義是

傳意義連文之證今據補于後享愿載臣百墳典散零唯爾雅

恆存禮三朝記

蜀志秦必傳注引劉向七略云孔子三見哀公作三朝記七篇今在大戴禮案大戴禮千乘四

代虞戴德誥志小辨用兵少

哀公曰寡人欲學小辨以觀於政

其可乎孔子曰爾雅以觀於古足以辯言矣

大戴禮盧辯注云爾近也謂依於雅

頌孔子曰詩可以言可以怨邇之事父遠之事君多識鳥獸草木之名也是盧氏不以爾雅為書名案彼文云循弦以觀於樂

爾雅以觀於古謂循乎春秋元命包言子夏問夫子作春秋不

以初哉首基為始何

春秋元命包春秋讖也後漢張衡以為漢世虛偽之徒所作張衡傳載之詳矣云作

春秋不以初哉首基為始者當是釋春秋元年之義公羊傳云

元年者何君之始年也爾雅云初哉首基元始也春秋不以初

哉首基等字為始而獨

以元為始故釋之與是以知周公所造也率斯以降超絕六

國越踰秦楚

各本作越秦踰楚爾雅疏引作越踰秦楚案超絕越踰相對為文疏所引者是也今據以訂正爰

暨帝劉魯人叔孫通撰置禮記文不違古後漢書曹褒傳有班固所上叔孫通漢儀

十二篇今俗所傳三篇爾雅或言仲尼所增或言子夏所益或言

陸德明經典釋文敘錄云釋詁一篇蓋周公所作釋言以

叔孫通所補或言郝郡梁文所考下或言仲尼所增子夏所足叔孫通所益梁文所補張揖論之

詳矣邵氏二雲曰漢書藝文志爾雅三卷二十篇張揖謂周公

纂爾雅一篇今所傳三篇為後人增補是張揖所謂篇即漢書所謂卷猶云周公所作祇一卷後人增補乃有三卷耳陸氏乃以周公所作為二十篇之一始考之不審以致斯誤郝各本譌作制今據說文訂正考爾雅疏引作著疑本作著譌作者又譌

作者也直齋書錄解題引此作者則南宋本已譌皆解家所說先師口傳既無正諗聖

人所言是故疑不能明也夫爾雅之爲書也文約而義固其隙

道也精研而無誤真七經之檢度學問之階路儒林之楷素也

鄭注士喪禮云形法定爲素若其包羅天地綱紀人事權揆制度發百家之

訓詁未能悉備也臣揖體質蒙蔽學淺詞頑言無足取竊以所

識擇擇羣藝說文云文同義異音轉失讀八方殊語庶物易名

不在爾雅者詳錄品覈以著于篇說文云凡萬八千一百五十

文今本廣雅凡萬六千九百一十三文刪衍文九十六補脫文五百九共文萬七千三百二十六較表內原數少八百二十

四分爲上中下以頌方徠俊哲洪秀偉彥之倫扣其兩端摘其

過謬令得用說文云亦所企想也臣揖誠惶誠恐頓首頓首

外罪外罪

管者周公制禮作樂爰著爾雅其後七十子之徒漢初綴學之士遞有補益作者之聖述者之明卓乎六藝羣書之鈐鍵矣至於舊書雅記詁訓未能悉備網羅放失將有待於來者魏太和中博士張君稚讓繼兩漢諸儒後參攷往籍編記所聞分別部居依乎爾雅凡所不載悉著於篇其自易書詩三禮三傳經師之訓論語孟子鴻烈法言之注楚辭漢賦之解讖緯之記倉頡訓纂滂喜方言說文之說靡不兼載蓋周秦兩漢古義之存者可據以證其得失其散逸不傳者可藉以闕其端緒則其書之爲功於詁訓也大矣念孫不揆樛昧爲之疏證殫精極慮十年於茲竊以詁訓之旨本於聲音故有聲同字異聲近義同雖或類聚羣分實亦同條共貫譬如振裘必提其領舉綱必挈其綱

故曰本立而道生知天下之至嘖而不可亂也此之不寤則有字別爲音音別爲義或望文虛造而違古義或墨守成訓而眇會通易簡之理既失而大道多歧矣今則就古音以求古義引伸觸類不限形體苟可以發明前訓斯凌雜之譏亦所不辭其或張君誤采博攷以證其失先儒誤說參酌而寤其非以燕石之瑜補荆璞之瑕適不知量者之用心云爾張君進表廣雅分爲上中下是以隋書經籍志作三卷而又云梁有四卷不知所析何篇隋曹憲音釋隋志作四卷唐志作十卷今所傳十卷之本音與正文相次然館閣書目云今逸但存音三卷是音與廣雅別行之證較然甚明特後人合之耳又憲避煬帝諱始稱博雅今則仍名廣雅而還音釋於後從其朔也憲所傳本卽有舛

誤故音內多據誤字作音集韻類篇太平御覽諸書所引其誤亦或與今本同蓋是書之譌脫久矣今據耳目所及旁攷諸書以校此本凡字之譌者五百八十脫者四百九十衍者二十九先後錯亂者百二十三正文誤人音內者十九音內字誤入正文者五十七輒復隨條補正詳舉所由廣雅諸刻本以明畢效誤而畢本未誤者不在補正之列最後一卷子引之嘗習其義亦即存其說竊放范氏穀梁傳集解子弟列名之例博訪通人載稽前典義或易曉略而不論於所不知蓋闕如也後有好學深思之士匡所不及企而望之

皇清經解卷六百六十七上

學海堂

廣雅疏證

高郵王觀察
念孫著

釋詁

古者先創方作造胡萌芽本根槩鼃萃昌孟鼻業始也

作者魯頌駟篇

思馬斯作毛傳云作始也作之言在也乍亦始也皋陶謨烝民乃粒萬邦作乂作與乃相對成文言烝民乃粒萬邦始乂也禹貢萊夷作牧言萊夷水遄始放牧也沱潛既道雲夢土作乂作與既相對成文言沱潛之水既道雲夢之土始乂也夏本紀皆以爲字代之於文義稍疏矣造者高誘注呂氏春秋大樂篇云造始也孟子萬章篇引伊訓云天誅造攻自牧宮朔者禮運云皆從其初皆從其朔槩與萌芽同義盤庚云若顛木之有由槩芽米謂之槩災始生謂之孽義竝與槩同鼃萃者方言鼃律始也律與萃通說文犀始開也從戶聿聿亦始也聲與萃近而義同凡事之始卽爲事之法故始謂之方亦謂之律法謂之律亦謂之方矣昌讀爲倡和之倡王逸注九章云倡始也周官樂師敎愷歌遂倡之鄭注云故書倡爲昌是昌與倡通鼻之言自也說文自始也讀若鼻今俗以始生子爲鼻子是方言鼻始也甞之初生謂之鼻人之初生

謂之首莊子天地篇誰其比憂比司馬彪本作鼻云始也漢書揚雄傳或鼻祖於汾陽劉德注亦云鼻始也業與基同義故亦訓爲始齊語擇其善者而業用之韋昭注云業猶創也史記太史公自序云項梁業之子羽接之

乾宮元首主上伯子男卿大夫令長龍嫡郎將日正君也

乾者說卦傳云乾爲君官各本譌作宮惟影宋本不譌官與長同義故皆訓爲君伯子男卿大夫者爾雅王公侯君也公侯而下則爲伯子男及卿大夫之有地者喪服云公士大夫之眾臣爲其君傳曰君謂有地者也合者呂氏春秋去私篇南陽有令高誘注云令君也長者周語古之長民者韋昭注云長猶君也龍者賈子容經篇云龍也者人主之譬也嫡者喪服妾爲女君鄭注云女君君適妻也適與嫡通歸妹六五云其君之袂不如其娣之袂良君亦謂嫡也郎之言良也少儀負良綏鄭注云良綏君綏也良與郎聲之侈舛耳猶古者婦稱夫曰良而今謂之郎也將讀將帥之將呂氏春秋執一篇注云將主也日者祭法王宮祭日也注云王宮日壇也王君也日稱君正者爾雅正長也楚語武丁於是作書曰以余正四方余恐德之不類

道天地王皇靈敎博殷粗兄炁沛祈齡衍臨巨佳方夸匯凱般

張覺封典太賢胡底廣旁奄勑勑朴魁訐沈岑夤誦繹顙顙

麤敦芋綢哀類萬觶駮都大也

浩熹

道天地王皇者老子云有物混成先天地生吾不知其名字
之日道強爲之名曰大故道大天天大地大亦大域中有四
大而王居其一焉爾雅釋詁疏引尸子廣澤篇云天帝皇后
辟公皆大也說文天顛也至高無上從一大是天與大同義
孟子滕文公篇引書云惟臣附于大邑周多士云肆子敢求
爾于天邑商天邑猶大邑也禮謂大父爲王父是王與大亦
同義豐通作豐豐彖傳云豐大也說文豐大屋也斂者說文
恢大也襄四年左傳云用不恢于夏家文十五年公羊傳云
郭者何恢郭也恢與斂通殷者密大記主人具殷奠之禮鄭
注云殷猶大也莊子秋水篇云夫精小之微也埒大之殷也
微亦小也殷亦大也山木篇云翼殷不逝目大不覩楚辭九
歎帶隱虹之透地王逸注云隱大也隱與殷聲近而義同組
曹憲音在戶反管子水地篇云非特知於麤粗也察於微眇
春秋繁露俞序篇云始於麤粗終於精微論衡正說篇云略
正題目麤粗之說以照篇中微妙之文粗字亦作牕說文牕
角長兒從角升聲讀若麤牕淮南子汜論訓云風氣者陰陽
麤牕者也漢書藝文志云庶得麤牕隱元年公羊傳注云用
心尙麤牕晏子春秋問篇云縵密不能麤苴學者詘論衡量

知篇云夫竹木麤苴之物也竝與麤粗同麤倉胡反粗在戶
反二字義同而音異故廣雅以麤粗竝列管子晏子淮南子
春秋繁露漢書論衡諸書皆以麤粗連文後人亂之久矣兄
者釋名兄荒也荒大也故青徐人謂兄爲荒也荒通作荒晉
語云在周頌曰天作高山大王荒之荒大之也說文荒水廣
也引泰九二包荒用馮河今本作荒沛者文十四年公羊傳
云力沛若有餘漢書五行志云沛然自大和之言碩大也和
曹憲音託各本譌作和惟影宋本不譌說文繫傳引字書云
和張衣令大也玉篇和廣大也太元元瑩云天地開闢宇宙
和坦漢白石神君碑云開和舊兆文選魏都賦注引倉頡篇
云斥大也莊子田子方篇揮斥八極李軌音託漢書揚雄傳
云和迹開統拓斥竝與和通魯頌閟宮篇松桷有烏毛傳云
烏大貌徐邈音託義亦與和同齡者表記君子不矜而莊鄭
注云矜謂自尊大也僖九年公羊傳矜之者何猶曰莫若我
也何休注云色自美大之貌矜與齡通齡曹憲音矜各本齡
字竝譌作和集韻類篇和居陵切引廣雅和和也則宋時
廣雅本已譌作和案字從鹵聲者不得有和音故說文玉篇
廣韻皆無和字爾雅矜苦也釋文作齡廣雅齡哀也是於齡
古多通用今據以訂正衍者楚辭天問其衍幾何王逸注云
衍廣大也漢書郊祀志德星昭衍顏師古注云衍大也臨者
序卦傳云臨者大也靈樞經通天篇云太陰之人其狀臨臨
然長大文十八年左傳高陽氏有才子八人蒼舒隤黷檇戲

大臨危降庭堅仲容叔達自庭堅以上皆以二字爲名爾雅
麗洪大也洪與降古同聲大臨危降或皆取廣大之義與臨
之言隆也說文隆豐大也隆與臨古亦同聲故大雅皇矣篇
與爾臨衝韓詩作隆衝漢書地理志隆慮荀子疆國篇作臨
慮矣佳者善之大也中山策佳麗人之所出高誘注云佳大
麗美也大雅桑柔箋云善猶大也故善謂之佳亦謂之介大
謂之介亦謂之佳佳介語之轉耳方者堯典云共工方鳩倂
功湯湯洪水方割皆大之義也晉語今晉國之方韋昭注云
方大也夸者說文夸奢也從大于聲方言于天也夸訃芋竝
從于聲其義同也凱者呂氏春秋不屈篇云詩曰愷悌君子
愷者大也悌者長也愷與凱通般者方言般大也郭璞音盤
桓之盤大學心廣體胖鄭注云胖猶大也士冠禮注云弁名
出於槃槃大也言所以自光大也槃胖竝與般通說文幣覆
衣大巾也鞶大帶也訟上九或錫之鞶帶馬融注云鞶大也
文選嘯賦注引聲類云磐大石也義竝與般同說文伴大兒
伴與般亦聲近義同凡人憂則氣斂樂則氣舒故樂謂之般
亦謂之凱太謂之凱亦謂之般義相因也覺者小雅斯干篇
有覺其楹毛傳云有覺言高大也緇衣引詩有楫德行鄭注
云楫大也直也楫與覺通封之言豐也商頌殷武傳云封大
也堯典云封十有二山封墳語之轉故大謂之封亦謂之墳
豕謂之墳亦謂之封豕亦大也樊者說文樊大也從大弗聲
玉篇作樊周頌敬之篇佛時仔肩毛傳云佛大也佛與樊通

爾雅緇繡也孫炎以爲大索繡衣王言如絲其出如綸王言如綸其出如綉鄭注云言言出彌大義與樊同也爾雅廢大也郭璞引小雅四月篇廢爲殘賤廢與樊亦聲近義同太者白虎通義云十二月律謂之大呂何大者大也正月律謂之太族何太亦大也賢亦善之大也自虎通義引禮別名記云千人曰英倍英曰賢考工記輪人五分其轂之長去一以爲賢去三以爲軹鄭眾注云賢大穿軹小穿說文堅大見讀若賢又云賢大目也義並與賢同胡者逸周書諡法解云胡大也僖二十二年左傳雖及胡者杜預注云胡者元老之稱說文湖大陂也爾雅壺棗郭璞注云今江東呼棗大而銳上者爲壺方言蠡大而蜜者燕趙之閒謂之壺蠡義並與胡同賈子容經篇云祐大福也祐與胡亦聲近義同廢通作後說文廢廣也鄭注雜記云後猶大也旁者廣之大也說文旁溥也爾雅溥大也逸周書大匡解云旁匡於眾無敢有違旁匡卽大匡也旁與方古聲義並同奄者說文奄大有餘也從大申申展也大雅皇矣篇奄有四方毛傳云奄大也說文奄大也奄與奄亦聲近義同大則無所不覆無所不有故大謂之幬亦謂之奄覆謂之奄亦謂之幬有謂之幬亦謂之幬奄矜憐謂之撫掩義並相因也朴者楚辭天問焉得夫朴牛王逸注云朴大也九章材朴委積兮注云條直爲材壯大爲朴魁者呂氏春秋勸學篇不疾學而能爲魁士名人者未之嘗有也高誘注云魁大之士名德之人史記孟嘗君傳云始

以薛公爲魁然也今視之乃眇小丈夫耳訐與下芋字同爾
雅訐大也方言云中齊西楚之間曰訐又云芋大也郭璞注
云芋猶訐耳大雅生民篇寔覃寔訐小雅斯干篇君子攸芋
毛傳竝云大也凡字訓已見爾雅而此復載入者蓋偶未檢
也後皆放此芋又音王遇反其義亦爲大說文云芋大葉實
根駭人故謂之芋是也沈讀若覃方言沈大也漢書陳勝傳
夥涉之爲王沈沈者應劭注云沈沈宮室漢遂之貌也音長
含反張衡西京賦云大廈耽耽玉篇譚大也譚耽竝與沈通
岑黃者方言岑黃大也淮南子地形訓九州之外乃有八黃
高誘注云黃猶遠也遠亦大也蒲者說文蒲大也王篇滂古
切義與溥通韡者說文韡富韡韡兒從奢單聲王篇丁可充
者二切云大寬也說文咳張口也小雅巷伯篇哆兮侈兮毛
傳云哆大貌釋文昌者反義與韡同韡者玉篇韡大頭也韡
者說文韡大頭也讀若魁韡者廣韻韡大頭也莊子大宗師
篇其頽頽向秀本作韡注云韡然大朴貌韡韡魁古竝同聲
敦者方言敦大也陳鄭之閒曰敦爾雅大歲在午曰敦牂孫
炎注云敦盛牂壯也是大之義也敦又音徒昆反其義亦爲
大漢書敦煌郡應劭注云敦大也煌盛也周語敦龐純固韋
注云敦厚也龐大也商頌長發傳云龐厚也墨子經篇云厚
有所大也厚與大同義故厚謂之敦亦謂之龐大謂之龐亦
謂之敦矣哀之言渾也曹大家注幽通賦云渾大也後漢書
馮緄字鴻卿緄與哀通說文睎目大也爾雅百羽謂之緄釋

文引埤倉云緝大東也玉篇鯨大魚也論緝鯨並音古本反
義與哀同也類者玉篇引倉頡篇云鯨頭大也說文同集韻
類篇引廣雅作鯨萬者閔元年左傳云萬盈數也邶風簡兮
篇方將萬舞初學記引韓詩云萬大舞也鯨之言奢也說文
鯨下奢也駮者莊子德充符篇云警乎大哉警與駮通說文
駮駿馬也爾雅狗四尺為獒楚辭天問鼉戴山林王逸注云
鼉大龜義竝同也都者漢書五行志豕出圉壞都鼉顏師古
注云都鼉烝炊之大鼉也武五子傳將軍都郎羽林注云都
大也僖十六年穀梁傳云民所聚曰都亦天之義也浩者
王逸注九歌云浩大也堯典云浩浩滔天淮南子覽冥訓云
水浩漶而不息浩字亦作灝又作皓司馬相如上林賦灝漶
潢漾郭璞注云皆水無涯際貌文選魏都賦河汾浩漶而皓
漶李善注引廣雅浩漶大也今本皆脫浩漶二字凡諸書引
廣雅而今本脫去者若與上下文并引即可依次補入如下
文楷模品式灋也脫去模品二字據眾經音義所引補入是
也若不與上下文并引則次第無徵但附載於本節之末如
此條浩漶二字是也凡補入
之字皆旁刻以別之後放此

仁讎或員虞方云撫有也

讎或員方云為有無之有仁虞撫為相親有之有而其義又
相通古者謂相親曰有昭六年左傳宋向戌謂華亥曰女喪

而宗室於人何有人亦於女何有杜注云言人亦不能愛女也二十年傳是不有寡君也注云有相親有也宣十五年公羊傳云潞子離於狄而未能合於中國晉師伐之中國不救狄人不有是以亾也王風葛藟篇云謂他人母亦莫我有皆謂相親有也有猶友也故釋名云友有也相保有也仁者經解云上下不相親謂之仁言相親有也仁各本譌作仁釋草篇竺竹也竺字譌作竺正與此同今訂正籬者說文籬兼有也從有龍聲史記平準書盡籠天下之貨物籠與籬通爾雅厖有也厖與籬聲亦相近說卦傳震爲龍虞翻干寶龍作驪考工記玉人上公用龍鄭眾讀龍爲龙是其例矣或者微子殷其弗或亂正四方史記宋世家作殷不有治政不治四方洪範無有作好呂氏春秋貴公篇作無或作好高誘注云或有也小雅天保篇無不爾或承鄭箋云或之言有也或卽邦域之域說文或邦也從口戈以守一一地也或從土作域域有一聲之轉故商頌元鳥篇正域彼四方毛傳云域有也員與下云字通元鳥箋云員古文作云文選陸機荅賈長淵詩注引應劭漢書注曰云有也晉語其誰云弗從韋昭注云誰有弗從是云爲有也秦誓日月逾邁若弗員來言若弗或來也或亦有也雖則員然言雖則有然也大雅桑柔篇民有肅心莛云不逮言使有不逮也爲民不利如云不克言如有不克也解者多失之云又爲相親有之有小雅正月篇洽比其鄰昏姻孔云鄭箋云猶友也言尹氏與兄弟相親友襄二十九